

代表人朱淇

○京張鐵路工程總局招工告白○
啓者茲有由南口至臭泥坑土工一段計長六千二百尺定於本月廿五日發給水平單如願承攬此項工程者務望如
到期或即阜成門外本總局司處領單估計幸勿延誤特此布聞

四月二十日 珥藩院 光祿寺 八旗兩翼值日無引 見

四月二十日 理藩院 光祿寺 入旗兩翼值日無引 見 吏部引見二十七名 工部十一名 值年旗三名
廂白蒙二名 武備院二名 造辦處一名 孚琦假滿請 安 醇王出 了醫山回京請 安 伍廷芳謝
假三箇月毋庸開缺 恩 李紱藻謝署缺 恩 恒敬保桂張士翰預備 召見 機壽請假十五日 豐深
請假十日 順天府奏京師得雨三寸有 召見軍機 張士翰 恒敬 保桂

四月二十日

上諭學部奏請簡放提學使司提學使一摺奉天提學使著張鶴齡補授吉林提學使著吳魯署理黑龍江提學使著張建勳補授直隸提學使著盧清署理江甯提學使著陳伯陶署理江蘇提學使著周樹模署理安徽提學使著沈曾植署理山東提學使著連甲補授山西提學使著宗室錫祿補授河南提學使著孔祥霖署理陝西提學使著劉廷琛署理甘肅提學使著陳曾佑署理新疆提學使著杜彤署理福建提學使著姚文偉補授浙江提學使著支恒榮補授江西提學使著汪詒書署理湖北提學使著黃紹箕補授湖南提學使著吳應旌署理四川提學使著方旭署理廣東提學使著于式枚補授廣西提學使著李翰芬署理雲南提學使著葉爾愷署理貴州提學使著陳榮昌署理所有編檢御史署理者均着開缺以道員用餘着照所請辦理欽此 四月二十日軍機大臣面奉 諭旨本月二十三日所有進內奏事當差之王公百官均著穿蟒袍補褂欽此

專電

浮梁匪風

(西江電) 浮梁縣亂急電請兵邊道派陳得龍往剿

豐城大水

(又電) 豐城縣大堤潰水災鉅傷人多

趙文案定罪

(南昌電) 法參贊文多趙慶雲定罪革去舉人遞解回奉天監禁五年

邵陽匪首挈獲

(貴州電) 湖南邵陽匪首劉綱十五日在銅仁挈獲

代

論

譚觀察學裴立憲條陳

竊職道恭讀 上諭有 特派重臣游歷各國考察政治之盛舉。側聞全國輿論咸謂 朝廷有意採用今世各文明國之立憲政體更新百度與民同治薄海歡欣鼓舞謂富強之效指日可期。職道游歷海外聞之亦不禁踴躍三百為國家億萬年有道之長頌也。考各國憲法率由人民要求或經革命血戰幸乃成立。今我 皇太后 皇上以如天之仁創未有之舉豈惟國民感激涕零即友邦亦當肅然起敬以 皇太后 皇上之明加以當道諸臣之哲其所以通籌全局制良法以貽萬世者當既周且善猶復虛心採訪環歷全球博取衆長以成大典將來憲法法文出現必將與日月爭光豈復宜以草莽微臣妄參末議離間之狂夫之言聖人擇焉而不讓歷以成其高川不辭流以益其大則芹曝之獻或在所不棄故敢不揣愚賤略陳其研究所得者冀達 聖聽伏維 垂鑒焉。職道竊聞日本之初議立憲也其調查憲法大臣嘗訪於英之大儒斯賓塞氏斯氏語之曰凡憲法必當適於本國人民之程度因其歷史上之習慣而損益之未可謂任勛他國之成文以為己用也。職道竊嘗服膺其言以為今中國頒布憲法固之安也恆於斯國之危也恆於斯憲法而善也足以震一國之人望也則薄海騰歡 國運與天無極其未善也未足以震一國之人望也則頑固守舊者或因以舞文或緣以藉口未見其利先觀其弊而民間陰險急激之輩且將以憲法為衆矢之的以逞其悖逆之隱謀而後此益不可收拾故今日憲法之發布其不可不慎如此其甚也夫今日中國之大患其遠者在海外侮其近者尤在

內訌內訌之起實緣人民觀 國家之積弱求其所以然之故因見夫他國政治實有以優於我者而坐是以致富強返觀本國事事落後積其不平遂以執政為怨府故比年以來言革命言破壞種種悖逆之言洋溢全國此亦當道之所知職道不必為諱者也。彼輩以恣睢之氣佐以辯博之才煽動少年滋蔓日大徒欲以力摧壓則防川之喻徒張其談故必有道焉平天下之氣使其無復煽動之口實則其勢不損自滅故頒布憲法者非徒為富強禦侮之具抑今日靖內難於未萌舍此無他道也。惟其然也故今日最宜於此留意務令憲法一布舉國人皆踴躍滿志而悖逆者無所藉口以為煽動之餘地此則非外國政治家法律家所能代謀而斟酌損益惟吾自操之者也。職道少溺俗學於政治大原多未講求近雖稍從事外籍而涉獵所得徒見皮毛曾何足以導清聽於萬一是為草率之獻不敢自棄於聖明謹條所懷五端以資採擇 未完

要緊新聞

甘省改營編協 陝甘總督升制軍奏請將甘省現有各營改編一協 旨交練兵處議奏昨經練兵處王大臣等議覆

奉 旨依議

覆桂撫募湘勇以練新軍摺 廣西前撫李中丞奏請選募湘勇試練新軍一摺奉 旨交練兵處覈議現經練兵處王大臣覈議署謂查選募湘勇試練新軍核與定章陸軍必須土著不符陸軍學堂章程亦無隨營學堂名目姑准暫設速成學堂一俟頭班卒業即令停止等因聞已奉 旨依議矣

請加正陽門工程續糧 庚子之役正陽門樓經被燒燬現經陸續修復將次工竣惟工程浩大所需工匠不少而近來百物騰貴工匠等有人不敷出之虞昨經陳雨蒼侍郎壁奏請加增正陽門樓工糧錢糧已奉 旨著照所請戶部知道

奏參辦木誤工 余別駕文煥邸觀察煒菱前因工程要需經着該一員在新嘉坡辦理木料詎延日久有誤工程現

續陳王蒼奏參均請降五級調用奉 旨依議

奏保正陽門工程監督未允 陳玉蒼侍郎壁以正陽門工程需人督辦奏保面部郎中卓孝復等充當正陽門工程監督

戶部設立電報處○向來戶部與各督撫電商事件均由外部代達未免多一轉接現部中已設立電報處委派司員十人輪流值宿已于昨上班辦事

通州開埠案不日具奏○通州天生港自行開埠由商集款等情屢登本報前經外務部電詢江督以其中有無壟斷等弊等語昨經江督覆電自備商款自行開埠商務可望興絕無流弊云云昨經外務部將往來電稿等件一併錄送戶部聞不日當可核准具奏云

南昌案近聞○探得外部消息南昌教案之事日前又與法使會議曾已允結者四條一係賠修已毀教堂給費三十萬一係將滋事匪犯之首要正法一係懲辦救護不力之官紳計共十三員降革有差一係為已故教士王安之立紀念碑其未允結者一條即為不准議卹已故江大令此節法使言江令之自刎實於教堂名譽大有關係現教堂之被毀實由該令之自刎而起是該令即為禍首云云王大臣雖力為爭執而法使不稍退讓又據箇中人云此案已定二十日畫押未知果否

中俄議約注重之點○中俄議約之事外間傳說不一現聞近日王大臣最注重勘界迭與俄使磋商一為黑龍江一帶邊界俄人所私佔之地及該地礦地擬將派員接收畫定界址一為哈克圖以北兩國分界舊日所立之鄂博四十八處擬將派員會同勘定重立鄂博云

考試仕學尚未發布○仕學館畢業考試外場各教習皆將試卷閱畢送回已經半月惟提調某偏將試卷帶回私宅至今未見發布現經學部屢催送部以便擇期考試內場云

金山鉅災續聞○廣東來函云日前舊金山地震連震三個字鐘之久大埠九層樓首先傾跌因之電火燃燒舖戶聞燒毀各舖已有過半之數惟駐美梁欽使電政岑督報稱華埠(即唐人街)全毀者連帶賑濟至于受災人數有云死傷數百人有云死傷十人現在旅居美國之華人家屬皆盼望接到該原人之墨信到家方稍安心大有望眼欲穿之勢云

譯電

英使示土國外交之方針○西歷五月十三號倫敦電云土耳其外務部大臣梯非克拍沙於前禮拜五往晤英國公使匿哥拉斯英使極言土耳其條陳外交各節深為不合應照英國所開各款辦理並以從速議結為是

英水師聽候調遣○同日又電云英國海軍少將藍必頓統率巡洋艦三艘一名沙提斯一名波亞沙士一名美奈佛均已行抵巴德舍(蘇彝士河口之商埠)聽候政府號令云

英宣布最後書○同日又電云土埃邊界問題英國以上土耳其不肯讓步已於今日夜半宣布最後書並諭飭海軍艦隊整備一切以資調動云

英土交涉之轉機○同日又電云英土交涉畧有轉機或可望早日議結云

摘譯東西各報

益聞西報論海關稅務○中國政府派鐵良督辦海關稅務其意欲收回外國人權力此舉實違背約章各國賠款約共一百萬金磅以海關為抵押各國之所以信中國分年攤償者以有赫德任海關稅務司經理中國財政預算賠款有所歸着今鐵良督辦稅務而赫德在其權力之下未必事事能任赫德布置一無違言赫德無全權則各國賠款若浮若沈矣 譯益聞西報

警衛西報論海關稅務○海關稅務歸中國大臣節制赫德權力不免旁落各國人信仰中國政行新政之感情自此稍殺矣 譯警衛西報

徽省匪亂○上海來電云安徽前德縣土匪倡亂聲勢洶洶頗為危急云 譯京津泰晤士報

安匪亂○奉天訪事來函云安東土匪千餘名出劫掠居民患之至今尚未平靖云 譯警衛西報

日在高麗之舉動○日本在高麗伸張勢力日甚一日斧山至漢城(高麗京城)鐵路業已修築日本謀殖民於高麗且事事以感化高麗人心使歸服效順為宗旨此中具有微意云 譯警衛西報

南昌教案將結○據北京訪函云南昌教案法使呂班所開列要索各款外務部幾全應允照辦外間聞此消息頗為不平云 譯警衛西報

江督在上海建三樓監牢○江督近擬在上海建一監牢約須工料等費二十萬而樓分三層為輕罪人犯學習工藝中

安甯犯罪稍重之犯其罪大惡極之犯則鎖禁於上層以防疏虞云 譯京津泰晤士報
金山城將修復○倫敦泰晤士報接紐約訪函云數佛蘭西哥(即舊金山)地震巨災全城屋宇燬壞四分之三現
圖一礦工一千三十九年舊金山開幕之人之子孫會議從速修造屋宇更擬推廣地址倍加裝飾比舊城更壯
麗竣工之期以五年為限云 譯益聞西報

星架坡輪船撞沈○星架坡訪函云西四月二十六號有輪船二艘一名班托一名哈佛仙格蘭治在魯又都海灣相撞
班托登即沈溺幸哈佛仙格蘭治受傷甚輕尚能行駛當時多船攔救活落水乘客共七十一名其溺沒之數尚未
知多少云按班托輪船係南洋輪船公司所有業來往來由口岸及星架坡其中搭客以中國人為最多皆前往該
處鉛礦礦工者 譯京津泰晤士報

法使交代○駐京法國公使已於陽五月二日出京歸國聞新任公使(巴魯斯德氏)由安南經雲南取陸將到北京云
時事新報

安東縣領事館○關於消息云駐奉天安東縣之日本領事官岡部君已于陽五月一日開館用印 大阪朝日新聞
雲緬鐵道經營○香港電雲南至緬甸鐵道曾由英國政府向中國政府要求中英兩國合辦該道之經營現今有雲南
省紳商等倡起保守利權主義各自集資稟請商部允其敷設之權云 大阪朝日新聞

蒙古定地留學○此次蒙古土爾扈特王既到日本東京擬定入振武學堂肄業又于陽五月一日午前十一鐘入(牛
込)小新川町振武學校宿舍云 國民新聞

震災後日本人○華盛頓電此次桑港震災僑居該埠之日本人內五千名已送於他處居住日下在桑港借地寄居者
總計三千名又其他在(歐古蘭特)避難者共千人駐該埠之日本領事上野君派救濟委員由(呼瑞魯爾)地
方僑居日本人中籌集義捐三千七百五十元該委員頗注意供給食物於避難之人云 大阪朝日新聞

選錄京外各報

商部調查進出口貨增減貴賤情形○商部以上海為通商總匯之區百貨駢集一切出口貨為數頗巨其中時價之漲
落銷場之通滯均應調查且本部係為綜司商政亦應考察以為整頓之地爰於日前札行上海道轉移商務總會

諭各商將各種大宗貨物時價漲落以及進出口各貨增減情形按月列表報部查考一面函致新關稅司請將每
月進出口各貨數目按月開據送道轉報云 北海時報

西潼鐵路擬聘日本工師○西潼鐵路前已奏准以李聯芳閣學為督辦惟鐵路工程師向久議未定比國工程師曾
竭力運動曹中丞恐此因此干預事權堅持用華工程師之議惟華工程師一時乏人遂又電商京官會議多主聘日
本技師惟當安立合同不得干預路權云 同文滬報

築屋行刑詳情○修律大臣譚改斬為絞一節茲聞伍沈兩侍郎所議築屋行刑一條即係採用泰西電氣絞人之法擬
在每省按察司駐節之地另建一屋將各州縣已經定罪之絞犯送此行刑云 新聞報

電查桂省軍政○政府近有長電致桂撫林中丞略謂桂防緊急須預加布置免致後悔著該撫將該省所有留防各營
共有若干何營精銳何營腐敗軍械子彈存儲若干萬一有事能否足恃限一月內列表咨覆以憑覈辦 新聞報

兵房改學堂○京南黃村(離京四十里接近南苑)所駐義國水兵現已一律撤退將所有兵房交中國地方官接收
由兩路廳同知會同大興縣稟明順天府尹請即以兵房改設師範學堂已由陳侍郎核准矣 新聞報

電議設越南領事○本報接京師特別訪函云日前署粵督桂撫電達政府云閩粵人住越南者不下十萬人應設領事
請與法使面商并飭駐法劉使與法外部妥議 廣東安雅報

擬將段書奏補首道○署理北京外城巡警總廳丞段書雲已奉 旨簡放廣東瓊崖道缺道警部堂官本擬具摺奏
留兩月俾辦理外城警務就緒再行赴任惟政府適接岑督來電請飭該道迅即赴任故未奏留聞粵督有意將該道
奏補首道俾專管粵省巡警事務也 港華字報

條陳內監○聞有人條稱大致云太監一項古者係罪人充當現在竟視為美途以致自幼時其父兄即為利私將有用
之男作為廢人未免可惜宜設法變通以示皇仁云云天津日日新聞 以上本京事

粵漢路接鄂省支線○粵漢鐵路在鄂省之路線近日總局會議又增一支綫從 河之新倉埠發脉通塞宜者都經
襄陽郡境繞抵宜昌與川漢路相接鄂督擬暫招足股七百萬每股庫平銀十兩先期僅取一半想該利門必認股必
能踴躍也 港華字報

米禁須查明核辦○上海道接江督電略謂商會請展米禁事項奉商部電囑查明核辦已照前致電江督查復

米禁須查明核辦○上海道接江督電略謂商會請展米禁事項奉商部電囑查明核辦已照前致電江督查復

告商會屆時查明米價再行稟核云 新聞報

巴塘改土歸流○巴塘肅清趙觀察現在巴塘辦理改土歸流事宜民人佃種地段均各換給漢字蓋印地契計種納糧從前夷之執一概繳官焚毀作廢已擬定契式及執照由省刊印頒給 新聞報

粵鐵路事可慮○廣東商辦粵漢鐵路原議公舉唐紹儀為總辦鄭官應為坐辦唐天佑為總工程師乃初五日愛育善堂集議並非股東總會因有不顧大局之人從中運動遂偽託善堂行商全體名義私舉正副總辦即以目前所舉之權理人臆混充選排去唐唐兩人各股東因其違商律背路章人心大憤昨香港特開一股東團體會反對其事以維路政鄭官應知案情不服業已自辭總辦之職 上海時報

漢陽兵工廠匠勇械鬥詳聞○本月初四日晨漢陽兵工廠砲架廠鑿徒郭玉發手携小刀入廠磨礱此係該廠之常事門役亦不過問放午工時該徒撈刀出廠門勇(工防營勇)以前次失竊槍枝曾受嚴責嚴盤不許出廠該徒不服盤查因同往押羈所聚工匠當時喧鬧與防勇為難幸為提調黎國書解散(該徒尚在羈所未放)至晚散工時各匠以該徒未放羈向工防營管帶姜春勝索取放徒提調見來勢洶洶當將該徒釋放詎該營什長某因匠徒可惡用棍猛擊營勇隨之 喝於是匠勇等大夥衝突相持械鬥直至是夜十鐘武昌常備軍官張彭黎元鴻武昌府黃以霖工防營前管帶姜恩培等奉鄂督張香帥命令(係該營廠總辦電話稟知)帶領常備軍二標來廠方始解散黑夜中并未拿人亦恐再激大變事後檢查營勇重傷者十三人死者二人工匠傷者七人死者三人(兩為湖北一青波)拆燬營房三所公務廳官廬窗櫺榻傢具大半遭拆瓦礫石塊觸目皆是幾向戰後之壘初五日有人遍貼四言韻句煽動工匠罷工是日果無人到廠當由該廠提調出示查拿兩造首逆下午由張黎黃姜共議派員分途招集上工餘容續探 南方報

江督致滬道電(為天生港開埠事)○接外部電開尊處奏開天生港開埠一片 硃批外務部戶部議奏查所奏前議接造碼頭修築江岸由大達輪步公司息借款項自行興辦工竣以官款稅項撥還各節該公司係何處商人所設股份若何附近碼頭江岸有無官地抑皆民田此項工程需款及借息約若干現歸該公司自辦將來有無壟斷之弊希查察詳情速覆以便核議等因望將指詢各節詳覆向張季兄詳查覆候轉覆(第二電)前接外部電查詢天生港開埠用款各節等轉尊處向張季直兄詳查見覆望速查覆為盼滬道稟覆江督電(為天生港開埠事)督憲鈞鑒

微電敬悉通埠用款各節奉 沁電遵即轉詢張殿撰函覆上年奏憲台與商擬將埠內接造碼頭修築江岸應歸官認等工暫由公司息借款開辦將來即在該處關稅項下撥還附近碼頭江岸皆係民田及公司買地並無官地建關築埠所需地畝應照原值核數劃撥歸官官認其值至開埠兩項工程經憲委會同勘估約需銀十萬兩情息按通州本地商市周年八釐此係自保權利暫行自開不通商口岸應官款支絀由商借墊與辦事理坦白絕無壟斷之弊可免刻覈之疑云謹轉陳 南方報

龍開河南埠嚴拒外人干預○九江官紳議開龍開河為商場等情迭誌前報茲悉九江道玉觀察日前會同江防府嚴司馬在體仁堂席請該埠紳董商議辦法嗣紳董等公同商議開關商埠需款三十萬金公議每年籌款六萬金五年後始能將商埠開闢乃刻下聞有某國領事願出三十萬金擔任包辦開關商埠事宜紳董等恐利權為其所奪已婉言辭謝不借外款另行設法開辦 南方報

通海請調吳輪○日前江督接通州商會張觀察電云恩直牧遺告據竹行鎮紳民飛報有船五艘停泊江邊滿載匪徒約有百餘踪跡定無通營師船除奉調八艘赴海洲外十四艘調湊會操上下數百里僅留兩艘故匪徒乘機圖劫自初一晚張芝山鎮被盜夥劫槍斃四命受傷數人哨弁亦被殺人心惶迫州鎮聞訊星夜即出查捕留語屬稟又初一晚海門圩角鎮亦出盜案可否乞迅撥兵輪上下江面梭捕一面乞將調海八船回防堵并乞飭撥快槍浦如崇海商民感戴云云督憲已飭籌防局即派江元快船往通巡緝并澄波差輪一艘一同前往 新聞報

英領事復辦洋商越界設棧事○杭省鳳山門外江干地方為起運上江各貨碼頭近有英商麥邊洋行在該處賃屋設棧轉運洋貨以煤油為大宗由釐捐局稟知大憲經洋務局總辦世益三觀察照會駐杭英領事施彌德君請飭該洋商移至拱宸橋新埠以符約章而便保護迭經施君聲辯未便遷移並於初七日謁見世觀察謂已奉英公使據馬關和約本有通融字樣一再辯駁故即稟請撫憲核示矣 申報 ○以上各省事○

南非洲准給華工回國資斧○字林報得倫敦電云脫國爾蘭特地方發出告示曉諭華人謂華人回國時如欲供給資斧者准之惟須察核情形然後定奪云 上海時報

法外部聯任○法國此次選舉時前任外部大臣德路克斯復被選舉投票者甚多 譯柏林電 津報

德報不根之言○英京倫敦傳言云俄國某報言中國擬與德國聯盟以反對日本實係無稽之談 譯柏林電 津報

○法國工黨罷市情形○法國工黨公所附近昨日下午及晚間仍有衝突警察與工黨各有損傷當場拿獲六百五十名內有一百五十人現被拘禁其中國大居七十五名此外各處尚稱平靜巴黎及別省仍有工人罷市之舉惟無衝突情事不斯堪提煤礦工人漸有照常安業者 上海時報
○英外部大臣古瑞君在下議院宣言云德政府決不干預達巴劃界之事且現在土耳其政府已頗有退讓之意云 譯柏林電 津報 ○以上各國事○

專件

大清刑事民事訴訟法

續

修律大臣新編

第七十六條 凡裁判均須遵照定律若律無正條不論何項行為不得判為有罪（此條係指新定刑律若新律未頒行以前仍照舊律辦理）

第七十七條 凡裁判既定應將判詞對原告被告及各律堂堂宣告並將本案證據及一切文件詳細登錄檔冊以備存查

第七節 執行各刑及開釋

第七十八條 凡宣告判詞經過上控期限方為決定然後按照下列各條分別執行各刑

第七十九條 凡應處死刑者辦法如左

一 係立決者專摺奏交刑部核覆施行俟奉 旨後將該犯處決

二 係監候者彙案奉交刑部核覆施行俟奉 旨後將該犯歸入秋審分別情實緩決辦理

第八十條 應處流徙刑者即將該犯分別發配或留內地俱撥交罪犯習藝所工作

第八十一條 應處監禁刑者羈禁監獄酌服相當之役

第八十二條 應處罰金刑者限決定後一月內完納不得拘留逾限不完以一回折算一日易以監禁若監禁期內補繳罰金扣除所過日數徵收餘額即予釋放（如係由答杖改折罰金其數較少於新律 頒行以前仍照向章辦理）

第八十三條 應監禁與罰金併處者監禁期滿徵收罰金如無力完納依前條例折易監禁

第八十四條 凡裁判除死罪人犯及情節重要者分別專摺或彙奏外流罪以下人犯按照左列辦法各行刑部存案

一 係流徙及監禁者彙案咨部

二 係罰金者按季彙案咨部

第八十五條 凡工作及監禁人犯本刑期滿或遇赦者即予釋放

第八十六條 凡證據難憑或律無正條或原告所控各節間有疑竇者應即將被告取保釋放令其日後自行檢束

第八十七條 凡本刑期滿或遇赦或被告經公堂判為無罪者日後不得再因本案拘傳審訊

第八十八條 凡應開釋者除例應沒收之物不准攜帶外餘均交還本人不得勒扣

第三章 民事規則

第一節 傳案

第八十九條 凡民事案件如索債索賠償索回房屋或田地等案宜用傳票往傳俱不准用拘票

第九十條 凡控訴原告將所控事件繕具控詞赴合宜公堂呈遞若係錢債賠償等事注明數目有合同或契約者鈔黏附呈並叙明兩造之事業住址

第九十一條 公堂接控詞後即簽發傳票內須將所控事件簡晰敘明

第九十二條 凡傳票由公堂飭堂升親交被告有時須原告指傳者則令原告同往

第九十三條 奉傳票之堂升如未能親交被告即將傳票留與其親屬轉交

第九十四條 堂升交到傳票之後即向公堂申覆銷差並於傳票冊內將親交或轉交之處註明

第二節 訟件之值未逾五百圓

第九十五條 凡原告所訴之款或估計該案之值數未逾五百圓者傳票須註明審期該期內發票之次日起算在七日以外一月以內

第九十六條 接傳票後被告或所延律師可任便赴公堂查閱原告所呈各項文件公堂不得攔阻

第九十七條 被告如呈遞覆詞公堂鈔錄一分令堂升交與原告看閱不遞者聽

第九十八條 被告如呈遞覆詞公堂鈔錄一分令堂升交與原告看閱不遞者聽

第九十九條 被告如呈遞覆詞公堂鈔錄一分令堂升交與原告看閱不遞者聽

被告對於前條之審訊如有不甘服者於一月內赴公堂呈訴如公堂察核訴詞近理應准覆審限不准申訴

第一百條 公堂已定審期原告無故不到案者即將該案註銷堂票等費應否責令原告全繳憑公堂核奪

批摺稿由

四月十九日摺片十一件

瑞良奏解新案賠款 該部知道 又滙解英德俄法本息銀兩 該部知道 又撥還匯豐息款銀兩 該部知道 馬玉崑奏武衛左軍第十一屆報銷各款 該部知道 又總兵孫多慶因病出缺 另有旨 又分年製辦軍械 該部知道 貽穀奏揀選前鋒校員缺 著照所道該衙門知道 又請補參領員缺 著照所請該衙門知道 伍廷芳奏請開缺修墓 另有旨 瑞良奏上年下忙完解丁耗數目 戶部知道單併發 又三十一年分新舊錢糧數目 戶部知道單併發

四月十八

內閣奏十八日祭 天壇不進 實錄事奉 旨知道了 工部會奏考核湖南辰關徵收木竹鹽稅銀兩事奉 旨知道了 又奏核銷京旗常備軍採辦軍裝用過銀兩事奉 旨知道了 又片奏籌辦藝學館經費事奉 旨知道了 又奏核銷直隸練軍採辦帳房等項銀兩事奉 旨知道了 務政處一件

法律大臣奏請偽造外國銀幣例無治罪明文擬請設立專條以資行用一摺奉 旨依議

奏稿

戶部謹 奏為遵 旨議奏恭摺仰祈 聖鑒事 察哈爾都統溥通等奏駝馬捐輸無人報捐過限停撤台賑借用截留各款亟須彌補懇飭籌撥一摺光緒三十一年十二月二十四日奉 硃批戶部議奏欽此欽遵由內閣抄出到部據原奏內稱前任都統奎順因台灾待賑孔殷請援案開辦駝馬捐輸經部咨駁奴才溥通抵任後復中前請奉

硃批該衙門知道欽此旋准戶部咨稱蒙有實官者方准加捐且須按照原奏加倍核收九月初間復准部文行令自奉文日起限五箇月將全案造報不得藉口推展各等因均已分飭遵辦並經派員多方勸導現據該員等稟稱蒙地勸捐本極為難今已限由實官加捐復令照案倍繳邊瘠苦區勸辦數月迄無一人報捐此項捐輸既無從勸集期限又將屆滿祇可停撤以符定章惟軍台此次賑濟之款係挪借商號銀六千四百二十一兩六錢四分又預借張家口監督衙門應借來年軍台俸餉銀二萬兩原擬駝馬捐輸果有成數陸續歸款刻下捐輸既已無望所借商款亟應籌還而預借之軍台俸餉轉瞬既須支放惟有懇 恩飭部籌撥銀二萬六千四百二十一兩六錢四分以便分別歸還倘有部中查捐款濟賑原係不得已之舉該駝馬捐開辦多日無從勸集自應依限停撤以符部章惟查原奏內稱軍台此次賑濟之款係挪借商號銀六千四百二十一兩六錢四分又預借張家口監督衙門應借來年俸餉銀二萬兩商款亟應籌還預借之軍台俸餉轉瞬既須支放飭部籌撥分別歸還等因查部庫仍前支絀前項銀兩實難由部措籌張家口監督衙門徵收稅銀係應行解部之款援案挪用尚可通融臣等公同商酌前項賑款銀二萬六千四百二十一兩六錢四分應准如該都統所請既由張家口監督衙門就近 俞允即由臣部行知察哈爾都統並飭行張家口監督遵照辦理仍令該都統將用過銀兩造冊送部核銷所有臣等遵議緣由理合恭摺具陳伏乞 皇太后 皇上聖鑒謹奏光緒三十二年二月初四日奉 旨依議欽此

戶部謹 奏為核覆晉省籌改隆軍請將忠毅軍餉停止解桂恭摺仰祈 聖鑒事 調任山西巡撫張人駿奏遵章籌改隆軍擬募足步隊兩標馬砲隊各一營餉鉅無出請將原有忠毅軍餉停止解桂以濟急需一摺光緒三十一年十二月二十六日奉 硃批戶部知道欽此欽遵由內閣抄出到部查原奏內稱晉省常備軍一切規制多與新章不合亟須照章改訂茲擬按照陸軍營制先練步隊六營分為兩標再練馬隊一營砲隊一營統計八營冀成一協約計薪公餉乾每年需銀四十萬兩左右除將原有常備軍餉抵支外尚不符銀十六七萬兩其成軍開辦及購置槍械衣履建蓋營房帳棚等項尚不在內司庫支絀萬分僅有酌提歸化關額外盈餘銀三萬八千六百餘兩堪以撥用此外更無可指之款惟查有升任大同鎮總兵劉光才帶赴廣西之忠毅一軍每年由晉撥給餉銀十萬兩當時師行糧隨暫為協濟今桂省軍務肅清忠毅軍業經裁改為廣西常備新軍所有餉銀自應由桂自行供支似無有桂省經制之兵水由晉省領餉

煙酒等稅按照奏定章程每斤收制錢十六文由經徵委員按市價易銀報解故銀價之高下收數之多寡繫焉從前銀價甚平出入本不甚鉅正因行用銅圓銀價飛漲向之徵制錢一千一百文上下可易庫平足銀一兩自行用銅元以來徵銅元一千四百文上下始能易庫平銀一兩是額徵銀數有定而收銀易銀之數無定二十九年原收制錢九十萬千實合銀八十萬兩即使目下仍徵足制錢九十萬千照市價祇能易銀六十萬兩非徵收不能及額實易銀之價暗中減少也臣督同籌款局司道悉心籌畫若變通辦理改按原徵九十萬千之錢數作為定額徵足此數即為及額平時既便比較年終亦即照此分別賞罰彙案辦理以期核實否則該局所徵煙酒等稅既奉旨以銀數定額則統行改為徵銀向之每觔收制錢十六文者改為每觔收庫平足銀一分四釐既免收錢易銀之價易濫弊混而稅額亦可永保無虧理合附片具陳伏乞 聖鑒敕部議覆施行謹 奏奉 硃批戶部議奏欽此

友 苑

王芾煥亭甫稿

春思 (浣溪紗) 細雨初晴正晚霞暖風漸透綠窗紗清明無客不思家 踐蜀獨飛今日燕牽情重見昔年花夕陽

高挂影些些

春閨 (前調) 小步閒庭慰寂寥關心早已過花朝如何人不似春潮 柳絮又飛風又暖美花慵攬黛慵描低頭無

語恨難銷

題廉海棠 (十六字令) 紅昨夜枝頭春意濃新睡覺妝起不勝慵

擬艷 (調笑令) 調笑調笑妒他月來私照背燈斜倚郎肩小語今宵早眠眠早眠早春夜惱人易曉

春閨 (竹枝詞) 笑推鸞鏡曉粧慵畫得菱眉眉淡濃結同心郎不愛佳名新製喜相逢

春夜即事 倚欄何所伴花影對相親鼻息爐香露聲聲五漏勻輕深風弄竹雲破月窺人欲向苔陰醉呼童去買春

初夏即事 兩霽槐陰潤清和四月初偷閒情自若小憩樂何如話舊來栖燕翻經走蠹魚喚貧無所蓄惟有半床書

春閨午眠 鷓鴣天 倦繡拋針枕腕眠困人時節艷陽天嬌聲顫顫渾無力放下珠簾喚小鬟 須子細莫癡頑防將

好夢頓驚殘花陰移向中庭午粉蝶雙雙入畫欄